

Aningaasarsianit akileraarutit pillugit Inatsisartut inatsisaannut allannguutissatut siunnersuut

(Aningaasaqarnermut Naalakkersuisoq)

Akissuteqaat

(Aningaasaqarnermut Naalakkersuisoq)

Aappassaaneerinnineq

Naalakkersuisut sinnerlugit, Akileraartarnermut Akitsuusiisarnermullu Ataatsimiititaliap inatsisissatut siunnersuut sukumiisumik suliarisimammassuk isumaqatigiillunilu siunnersuummut saqqummiunneqartumut tapersiinera pillugu qutsavigaara.

Naalakkersuisut, Akileraartarnermut Akitsuusiisarnermullu Ataatsimiititaliaq isumaqatigaat akeqanngitsumik biileqartitaanerup akileraarutitigut nalingata qaffanneqarneratigut, biiliniq pineqartunik atuisut, nammineq biilillit aningaasartuutisartagaannit annertunerusumik nammakkerneqannginnissaat qulakkeerneqartariaqartoq.

Aggersarneqariataarsinnaasutut pigaartuunermut inatsisitigut maleruagassat naleqqussarneqarsinnaanerannut periarfissat misissorneqarnissaannut ataatsimiititaliap inassuteqarnera ilalersinnaavara tamatumani pigaartuunermut maleruagassat akileraanngitsoorsinaanermut ammaassinnginnissaat aamma qulakkeerneqartariaqarpoq.

Misilittakkat malillugit akeqanngitsumik biileqartitaanerup suliaassat akileraaruseriffinnut suliakkersuutaangatsiartarput, taamaattumik atuisunut pisortanullu paasiuminartunik ersarissunillu malittarisassiuussisoqarnissa anguniarneqartariaqarpoq allaffissornikkullu suleriaatsit sapinngisamik ajornannginnerutittariaqarput.

Illuatungaatigulli malittarisassat atuisut ulluinnarni atugarisaannut soorunami naleqquttuusariaqarput. Taamaattumik atorfilittakka, qulaani taaneqartut ajornannginnerusumik malittarisassiuunneqarsinnaanerit pillugit misissueqqakka.

Taama oqaaseqarlunga Naalakkersuisut sinnerlugit inatsisissatut siunnersuut saqqummiunneqartoq taama isikkoqartillugu pingajussaaneerinninnissamut aalajangiutivinneqarnissaanullu ingerlatinneqarnissaa innersuussutigaa.